



Inatsisartut suleriaasaanni § 37 imm. 1 naapertorlugu Naalakkersuisunut apeqqutit imaattut matumuuna saqqummiuppakka:

**Naalakkersuisunut apeqqutit:**

1. Qimmit qimuttut kiisalu qimmeqarneq qitsuuteqarnerlu pillugit inatsisaat nr. 18, 30. oktober 1998-meersoq, §6-mi allassimasumi *nakkutilliisutut allaqqasut inuillu taama immikkut piginnaatitaasut kinaassutsiminnik uppernarsaateqartut* kikkuuppat? (Piffiit assigiinngitsuni allattorsimaffinngorlugu perusuppara)
  - a. Allattorsimaffeqanngippat sunamita peqqutaava?
2. Qimminik allanertanik pasittaassisoqartillugu periusissat eqqortut tulleriissaarlugit suuneri paaserusuppakka.
3. Kommuni qimmeqarneq qitsuuteqarnerlu pillugit inatsimmi §13 malillugu ileqqoreqqusaliorussaataavoq, kommunit tamarmik ileqqoreqqusaqarpat?
  - a. Nakkutilliisussaasutit kommunit ileqqoreqqusaqanngitsut qanoq iliorneqartarpat?
4. Inatsit malillugu §14-mi qimmit qitsuillu illersugaasut allassimavoq. Qanoq ililluni qulakkeerneqarsinnava qimmeq qimuttoq illoqarfiup avataanut pitutaq ulloq unnuarlu isumannaattumiittoq?
  - a. Isumannaallisaaneq nakkutiginninnerlu tamakkiisoq eqqarsaatigalugu qimmiutillip pisussaaffiisa saniatigut suut kommunip naalakkersuisulluunniit naammassisussaavai?
  - b. Inatsimmi Naalakkersuisut kommunalbestyrelsillu maleruaqqusaliorsinnaasut allapput, ersarissumik paaserusuppara sorliit naalakkersuisut kommunillu akisussaaffigivinneraat.
5. Qimmit qimuttut mikrochipilersorneqarnerat qanoq aningaasatigut ukununnga kinguneqarpa :
  - a. Inuinnaat qimmiutillit?
  - b. Pisortat?
6. Ilumoorpa uumasut nakorsaata aaliangernikuugaa qimmit nujuartat katassimasut tiguneqarneq ajuleraangata sininnartumik pisinnaanerat unitsinneqarsimasoq?
  - a. Ilumoorpat, suna tunngavigalugu taama aaliangertoqarpa?



**7. Ullut nutaaliasut eqqarsaatigalugit qimmeqarneq pillugu atuarfeqarfinni imaluunniit qimmit qimuttut pillugit paasititsiniaaneq annerusoq takorloorneqarnikuunerluni?**  
(Inatsisartunut ilaasortaq Simigaq Heilmann, Demokraatit)

**Tunngavilersuutit:**

**Qimmiliviit pillugit:** Qimmiliviit illoqarfiup avataanut inississuinerup kinguneranik serlersaarinerit pisarput soorlu inuup allap qimmiinik toqutsinerit pisarlutik, naatsumik oqaatigalugu kusanannngitsorujussuarmik inissisimavugut. Naak toqutsisoqassappat kommunimi qimmilerisunut saaffignittoqartussaagaluartoq. Taamaattumik asseq una takuneqarsinnaavoq unioqquitsilluni inuup allap qimmianik naalliutitsilluni toqutsisoqarsimasoq.

Assersuutigalugu ersarnerluppallaarpoq KNQK-mi susassaqtut ilumut pisussaaffeqarnerisut sulianut ingerlasunut akulerussinnaatitaanersut. Pasillineq innuttaasut akornanni pisimappat, kikkulluunniit inuup allap qimmii alakkaannarsinnaavai misissorlugillu? Tamakku tamarmik ersarinnerusumik allaqqaqqissaartariaqaraluarput.

Qanorluunniit paarsilluartigigaluaaraanni qimmit illoqarfiup avataanut inissitat ulloq unnuarlu nakkutigineqarsinnaanngillat. Naak nipituuliutaagaluartoq qimmeq qimuttoq ukiorparujussuit matuma siornali pisoqaassusilik illersugassaasoq, paarilluarneqartariaqartoq, akuneqartussaannngitsorlu.

Oqartussat/pisortat qimmiliviit sumiinnissaannik innersuussisartuuvoq, qimmiutilinnullu ataasiinnaanngitsunik piumasaqaateqartuulluni - illugiilluni piumasaqaatinik naammassinneqatigiinnissamut pisussaaffeqartoqartariaqarpoq. Soorlu filmiliuutit, eqqaavissat, dunkerujussuit imermik imallit. Qimmiliviit sissamut ungasissorujussuupput, nerisassat majuussorneri, imigassaannik pajunnerit assartuineq pisariuleraluttuinnarpoq. Tamaammallu aamma qimmeqarnerup kajungernassusaa tassuuna annertuumik sunnerneqarpoq.

**Mikrochip pillugit:** Chip kingorna piumasaqaatit allaffissornerlu annertusinkuupput. Qimmeq "kuisittarpoq", nalunaarsugassat immersugassat allaffissuutaasut annertuut pilernikuupput. Qimmeq nujuartaavoq, pituussaarsimappat qimmeq ingerlaannaq kommunimi qimmilerisut qanorilillutik qimmeq tikiinnarsinnaavaat paasillugulu kiap qimmerineraa – qimmiutillit ilaasa oqariartuutaat aana; chipi atorsinnaavoq qimmeq toqoreeraanni

**Uumasut nakorsaanut tunngasoq:** Qimmit pituussaarnikut angalaaginnartut innuttaasunit nuannarineqarneq ajorput, ulorianarsinnaammata. Qimmit pituussaartarnerat nalinginnaasuvoq, pitunneqapallannissaa piginnittup naammassiniapallattarpaa, aqqusaagassaasarpulli qimmit nujuartat, imaaliillaannarlutik tiguneqarsinnaanngitsut, qimmiutilinniillu iluaqutaasutut nalilerneqaraluarpoq qimmit nujuartat sininnartutortillugit tiguneqartarneri.

**Paasititsiniaaneq:** Eqqarsaatiginarpoq naalakkersuisut nunatsinni qimmit qimuttut pisoqaassusaat eqqarsaatigalugit suliniutinik annertunerusunik takorluugaqarnerisut. Qimmiliviit illoqarfiup avataanut inissorneqarnerisa kingunerannik ukiukkut qimussit aallaraangamik illoqarfik aqqusaqqaarlugu nunamut pisinnaasarput, inuppasuit ullumikkut høretelefoninik atuisut amerlasinikuupput, utoqqaarpoq aamma pittorluttunik qimussinik takugunik arpaannariaanngitsunik, tamakkua eqqarsaatigalugit innuttaasut ilisimasariaqagaannik paasititsiniaaneq pisariaqalinnnginnerluni.



**DEMOKRAATIT**  
DEMOKRATERNE

Apeqquitiit ullut sulliviit nalinginnaasut qulit iluanni akineqarnissaat kissaatigaara.